

欽定剿平三省邪匪方略

欽定剿平三省邪匪方略正編卷一百四十一

庚申年

正月初三日

丙辰

吳熊光奏言竊

臣

欽奉

諭旨以景安在河南縱賊殃民畏葸貽誤各罪欵令

就近向完顏岱確切查辦

臣

駐紮盧氏邊界完

顏岱現駐湖北老河口江岸相距六百餘里當

卽飛飭該司將以上情節據實登覆謹將原單

密封呈

覽臣

一面於隨營文武各員稟見時密加訪詢僉稱
賊匪齊王氏等於嘉慶元年起事後總在湖北
暨楚豫交界地方滋擾並未擾及豫省州縣至
二年正月間賊匪竄至鄧州境內當經叅將蔡
鼎都司蘇大雄等帶兵擊退其時豫省官兵除
河北鎮官兵先未調動及調赴湖北協剿外邊
境實駐兵丁一千九百餘名交總兵王文雄帶

傾堵截景安自帶馬步兵丁八百名在東路邊
境防堵迨三月內賊又分三路由楚入豫景安
王文雄等未能攔截遂至由豫竄陝與完顏偕
所稱符合惟是臣隨營文武員弁均曾爲景安

屬員究恐不無意存掩飾臣仍留心察訪如尙

有不實不盡之處容再據實叅奏不敢稍事瞻

徇其浙川一案臣於十月間在該縣審訊黃金

榜時卽將辦理前案緣由向原李教匪之生員
張成立詳細面詢與完顏信稟稱並無帶兵打
仗之處亦屬相同再各處探報陝省餘匪尙在
鎮安山陽等處分股遊奕經官兵躡蹤兜截現
復折向西竄豫省邊境寧論臣但現屆歲暮仍
督率鎮將等官於各卡隘嚴密巡防不敢稍存

大意奏入報

聞

初五日

戊午

額勒登保奏言竊

臣

確探再據元等

賊蹤星馳進剿因向有肝氣病忽又復發行至
王家壩地方竟致不能支持卽於彼處暫駐仍
令阿哈保格布舍穆克登布等帶領滿漢官兵
由寶平寺白楊河一路追剿前進旋據德楞泰
札稱趕剿徐添德鮮大川苟文明等股賊匪至

澗水洞等處查該處係開縣界內而冉添元等所竄之路亦係向開縣前去阿哈保等當可與德楞泰相合惟連日雨雪不止該處又係深山老林恐官兵急切未能得手現據七十五呈報該提督由大寧之徐家壩赴楚界趕剿行至馬鎮坪探得張子聰一股賊匪在貓兒寨花果園一帶遂設伏相機截剿兩日一夜連次獲勝殺

賊二百餘名生擒李子覺等九十三名並搶獲
賊旗鎗矛等件張子聰帶領餘匪奔逃該提督
仍在趕剿又據朱射斗稟報該鎮在南江之竹
壩子地方將張世龍等一股竄匪殲殺一百數
十名生擒六十餘名賊又向陳家峽分水嶺老
林逃竄臣隨嚴飭該提鎮等將此等小股賊匪
趕緊掃盡不得稍有遲緩臣日內病勢稍減正

擬起程前往阿哈保等一路督率趕剿乃於二
十三日接松筠來信近有高姓戴姓馬姓羅姓
等股賊匪合而爲一由潘家山老林翻入城固
旋入南鄭境內之紅廟塘等處提督王文雄帶
兵堵截因衆寡不敵未能得手松筠又抽撥寧
羌守卡官兵五百名駐紮黃沙以顧沔縣但道
里甚長兵力甚薄而西鄉東路賊股亦多連日

拏獲活賊據供川省無糧可掠因官兵追殺甚
緊要從漢江上游搶入甘境覓食寧羌汜縣俱
與甘省相通係賊奔竄熟路萬一復遭蹂躪所
關匪細陝省官兵因張漢湖餘孽尙未洗除實
在不能兼顧等語臣查目下各股賊匪如再添
元徐添德鮮大川苟文明張子聰等股賊匪總
在川省東鄉太平開縣雲陽大寧等屬盤旋折

竄其餘賊匪被剿情急多半在西鄉南鄭川陝
交界之處臣原擬將冉添元等股賊匪殲盡之

後再行以次剿洗今川陝邊界之賊竟思竄過
漢江蔓延滋擾是目前陝西寧沔一帶既關緊
要而漢江上游冬令水涸在在更須嚴防臣再

四思維寧沔一路竟須親自帶兵前往所有冉
添元等股賊匪已入閬縣一面知會德榜泰就

近一併剿辦所有阿哈保等帶領之滿漢官兵

除酌量留川外

臣

擬帶兵勇四千餘名卽由保

寧廣元一帶取道入陝相機辦理至七十五所

帶之兵本責令緊顧東面以扼賊匪竄楚之路

阿廸斯近亦帶兵赴大寧協同堵剿德楞泰在

開縣一帶係川東川北之中而朱射斗帶兵在

通江南江一帶係川之北共計三路重兵將川

中現有賊氛合力剿辦自可得手

臣

入陝後倘

將陝境賊匪驅逼入川

臣

緊躡而來仍可與德

楞泰等併力趕辦

額勒登保又奏言連日欽奉

諭旨令

臣

出奇設法兜剿又據高均德供稱劉楞在

龍紹周股內

諭

臣

密行訪查現在各股賊匪屢次被剿其脅從之

衆陸續俱已散出所存者非實在教匪卽係從
賊已久之人一時間有被擄者臨時又卽逃出
該匪等之輾轉奔逃尙能得食以延殘喘者蓋
緣民間雖築堡寨而小民各謀生理不得不趕
場散處是以猝然仍能擄掠到處狂奔今蒙

聖明指授機宜飭令用間出奇實爲上策

臣

歷次剿

賊凡設伏抄截均經得濟惟以山路過於紛錯

賊匪仍得隨處逃遁至離間之法必須勇幹有
爲之人方能濟事此時兵勇內頗難其人卽從
前投出如李士貴等亦曾遣令潛進賊營將伊
堂弟等帶出稍解黨與然爲數亦不能多臣惟
有隨時留心妥爲辦理至賊夥中頭目不一臣

每於各股中生擒匪犯研訊供詞並據各路稟
報軍情所稱賊首姓名多有互異之處但總未

聞有教主劉楞名目茲高均德供稱親見其人
在龍紹周股內且又係江南口音或係劉之協
改名亦未可定現探得龍紹周一股賊匪在陝
省平利奔逃

臣遵

旨傳知各路領兵大員留心查訪

臣

不日入陝辦賊

亦卽設法盤究倘能得此要犯更可盡絕根株
正在繕摺間據七十五呈報十三四五等日緊

躡賊蹤十六日探得賊匪張子聰等在馬鞍山
郎家洞一帶屯劄該提督卽率同李紹祖等連
夜馳抵馬鞍山十七日分兵一由王家坪過渣
口寨兜剿一由馬鞍山直路進攻賊匪遙見官
兵竟敢糾衆向馬鞍山前來抗拒官兵奮力衝
殺斃賊六十餘名正在相持之際經派赴王家
坪兜剿之守備羅思舉等帶兵由郎家洞繞出

兩路攻擊共殺賊九十餘名生擒賊匪賀國泰
等六名俱係賊夥戰手並卽正法惟叅將伊蘭
泰守備董榮祖因躍馬衝入賊隊奮力剿殺猝
受矛傷陣亡兵勇內亦有傷亡十數名容另查
報張子聰率其餘匪又復向東北逃竄該提督
等卽由華光壩一帶趕剿期於殲滅並攔截竄
楚之路臣查七十五總應以東面爲重今該提

督剿賊已近奉節大寧一帶又已飭令嚴行剿
堵不可使賊匪他竄奏入

上命軍機大臣傳諭額勒登保德楞泰魁倫曰此次
高姓等四股賊匪竄入城因南鄭等處祇因川省
無糧可掠希圖由漢江上游搶入甘境覓食陝省
兵力較單不能堵禦額勒登保酌量緩急機宜帶
領兵勇四千餘名卽由保寧廣元一帶取道入陝

不辭勞瘁力疾遠涉實堪嘉慰額勒登保聲威素著賊匪向所畏懼若能趁此兵威將此四股賊匪先行殄滅不致竄入陝甘地方固屬甚善否則將賊匪驅逼入川額勒登保緊躡賊蹤仍可與德楞泰等會合剿辦前因川匪竄入寧沔一帶德楞泰相距不遠是以令其速赴陝境堵剿今額勒登保親自前往更爲得力且已知會德楞泰令在開縣

一帶剿辦冉添元等股賊匪相距陝省較遠想德
楞泰斷不拘泥前旨復又帶兵赴陝也額勒登保
現已到陝川省各股賊匪卽責成德楞泰魁倫剿
辦魁倫係本省總督川境賊匪係伊分內應辦之
事伊二人務當督率將弁分投截擊將冉添元徐
添德等股以次殲除至川東賊匪專交七十五剿
辦勿令東竄楚境其川北之通江南江一路賊匪

專交朱射斗剿辦至前此預備黑龍江兵一千名
若調赴軍營路途遙遠約計四月內方能到彼倘
該官兵行至中途而川匪或已剿除無需此項兵
力又須行文停止徒勞往返莫如遵照前旨就近
於那彥成處檄調吉林兵一千名赴額勒登保軍
營較爲便捷所有七十五一路打仗陣亡之叅將
伊蘭泰守備董榮祖俱著咨部賜卹

上又命軍機大臣傳諭那彥成松筠日前因陝匪距甘省徽縣一帶甚近松筠帶兵較單會諭令德楞泰前往協剿今額勒登保親自督兵赴陝剿辦賊匪自必聞風震懾可期迅速殲除或仍逼回川省亦易於剿辦惟吉林馬隊官兵現俱在那彥成一路那彥成所辦祇係張漢潮餘黨為數無多伊所帶各處生力勁兵已有萬餘兵力不為不厚乃日

久尙未能將此股餘匪剿淨且吉林勁兵騎射是其所長那彥成止令在老林追捕並未聞與賊接仗是此項勁旅長技皆無可施留彼亦屬無益那彥成卽遵前旨派令吉林兵一千名迅赴額勒登保處以資剿辦那彥成當就現有兵力將所剿餘匪迅速殲除卽赴額勒登保處會剿竄近甘境之賊不可再有延緩至額勒登保督兵至陝現又將

那彥成所帶吉林兵調往一切糧餉供支關係緊
要松筠務宜妥爲經理俾軍需無缺兵行迅速此
爲最要至額勒登保未到之前松筠如何督兵截
剿曾否將賊匪追回川境那彥成一路剿賊情形
若何並著迅速具奏

初八日

辛酉

魁倫廣興奏言竊

臣

廣興托津欽奉

諭旨押解京餉二百萬兩赴川分作四起間日行走

先經

臣

魁倫分撥以第一起五十萬兩內留貯

保寧局四十萬兩以十萬兩解赴達州第二起

五十萬兩全解達州第三四兩起各五十萬兩

全解省局嗣因省局稟稱夔州府一路軍餉向

由省局撥發程途較遠未免糜費腳價請嗣後

改由達州撥發是以

臣

魁倫復札知前途將第

四起解省之五十萬兩內撥出十萬兩由保寧

徑解達州以備轉發夔州一路支用現據各局陸續報明彈兌實收銀數查達州局應收餉銀七十萬兩臣等督同該局道府逐加彈兌除收足庫平七十萬兩外計長平銀三千六百六十九兩有零總理保寧局川北道李鈺松茂道吉陞保報稱督同閬中縣知縣李元等逐匣彈兌除收足庫平四十萬兩外計長平三千一百二

十六兩有零總理省局署藩司先福署臬司董
教增稟稱督同成都府知府趙秉淵等逐匣彈
兌除收足庫平九十萬兩外計長平四千三百
兩有零統計此次兌收京餉二百萬兩共計長
平銀一萬一千九十六兩零臣等當卽通飭各
局員將所兌長出平餘銀兩歸入正項一體支

用

魁倫又奏言竊照福寧前在旗鼓寨剿賊殺戮
降人欽奉

諭旨令

臣

將福寧孛問與呂朝龍質對明確當卽傳

旨將福寧孛問並一面飛調呂朝龍前來隨面訊福

寧據供當時實有此事因所獲一千七百餘名

皆賊中強悍攻城殺官積憤打仗詢之慶博何

元卿等僉稱此等克賊一經釋放必有後患隨

與觀成商定卽令慶海何元卿呂朝龍將各犯
分起慎密辦理當經奏明在案但我身受

皇上厚恩卽以剿賊重任素性糊塗以致辦理錯謬

實屬罪無可辭戰慄悚惶無可置辯

臣 復遵

旨詰以彼時卽應將辦理情形據實奏出乃於誘令
人城帶同打仗給予號褂口糧夜間陸續辦理
之處並不聲明豈非有心朦混飾詞具奏據福

寧供稱當日原因賊情兇悍所帶兵勇已派往
指甲坡龍馬山二處剿賊存兵無幾若稍涉張
皇恐衆匪亡命立起事端是以商定設法辦理
我從前摺內未經奏明實屬糊塗總求從重治
罪_臣查此事關係重大雖據福寧供認殺降不
諱但所殺之一千七百餘名果否皆屬賊中強
悍屢次攻城殺官兇犯且據稱彼時天已向晚

恐驟加誅戮轉傷士卒押解下山又恐乘黑夜
竄逸只得將計就計許其投降及解至龍山縣
城復因存兵無幾恐其別滋事端遂爾設法辦
理之處是否確實情形究係福寧一面之詞應
俟呂朝龍到日質證明確後定擬具奏奏入

上命軍機大臣傳諭魁倫廣興曰此次所發京餉二
百萬兩魁倫等督率局員逐加彈兌共長平銀一

萬一千九十餘兩可見從前局員等於收兌餉銀
時多稱部平不足之處自屬捏飾今魁倫等已將
長出餘平銀歸入正項一體支用自應如此辦理
現在剿捕賊匪軍需緊要魁倫務須力加撙節實
用寶鈔毋任稍有浮濫至訊問福寧前在旗鼓寨
殺降一事雖據稱彼時天已向晚恐其乘黑夜竄
逸將計就計許其投降但既經許降卽不應加之

誅戮且福寧既有此情節如果於辦理時附摺陳
明

皇考不加罪責此時朕亦必不深究乃彼時並未奏及
並於摺內鋪敘俯首就縛情事顯係飾奏以功伊
現在所稱祇係一面之辭殊不足信魁倫應俟呂
朝龍到口質證明確仍行按律定擬具奏現在楊
揆雖已調任四川藩司此時尙未到任所有該省

應辦軍需著魁倫傳知該臬司先福務當實力妥辦毋得稍有貽誤至魁倫現在帶兵堵剿竄匪其軍需一切事宜自難兼顧並著責成廣興督率辦理俾帑項支銷不致浮冒方爲不負委任

同日松筠奏言查陝省賊匪由埤川逼近官莊一股距沔縣城僅三十餘里勢欲過江副將韓加業帶兵六百餘名鄉勇二百餘名並索費英

阿前隊之兵四百餘名前往迎敵相持一夜二
十三日賊匪全數出磚碯子前來韓加業馳馬
首先衝入兵勇繼之賊匪恃其人衆分爲兩翼
繞從後山自上壓下鄉勇後隊被其衝突把總
馬興禮義首文生員呂志高均受重傷身死
匪四面圍攔韓加業力戰殺賊馬蹶墜地起立
引弓發矢中其執旗賊目一賊用矛直戳把總

高騰蛟從傍以矛格開隨手將賊刺死羣賊競
進韓加業仍在力戰胸前忽中一矛倒地賊矛
亂下高騰蛟以身伏其上蔽之遂亦被害守備
麻允光傳世雄把總馬雲龍武舉劉元勳成文
錦同時陣亡其餘傷亡弁兵鄉勇統俟查明咨
部賜卹賊匪折回埠川經索費英阿帶領後隊
官兵七百餘名趕到沔縣過江截堵王文雄亦

自新集帶兵趕至黃沙賊匪知有準備遂由坪
川西鄉竄沮水舖七里溝一帶該處係在漢源
之上僅止小溪一道賊匪由彼奔入畧陽邊界
欲尋前股賊蹤會合前股賊匪竄至畧陽攔馬
牆該處地勢險要經鄉勇堵回遂由小路翻山
出木瓜橋入五郎坪分路探伺又經荆布嶺鄉
勇設伏殺賊八人猴子巖鄉勇尾擊殺賊三十

餘人總兵吉蘭泰已抵白水江堵禦漁關等隘
道員瑞亨抵椒縣之涿寧河知府隆興分兵堵
武家坪打火店小路甘境布置尙屬嚴密臣仍

札飭該鎮道等加意防堵適據西鄉縣稟報一
股餘匪約千餘人由紅花坪竄至三花灘又有
一股賊匪由通江竄入九元關查西鄉現在無
兵堵禦此股賊匪必向西北奔竄城固南鄭處

處可虞而先後竄往畧陽之賊又恐其折回東
竄王文雄自當暫駐黃沙一帶居中扼要兼顧
東西兩路相機截擊沔縣漢中均關緊要

臣留

索費英阿暫防沔縣又與王文雄面商派守備
馬廷祥帶兵六百名於漢中柳林鋪一帶巡防

臣

於二十五日仍回漢中探聽賊蹤所向如賊

匪因甘省防堵嚴密由原路折回川省自當設

法驅剿緊防江岸不令北竄若入畧陽之黑河
該處山徑錯雜隨處可由棧道竄入甘省王文
雄之兵卽當馳赴沔縣索費英阿之兵卽應移
至棧道武關廢邱關一帶遏其入甘之路臣仍

相機妥辦總期不至蔓延至石泉漢陰南岸賊
匪連次搶渡均經兵勇擊退而賊蹤終未遠去
西鄉高川之賊竄入紫陽之茅壩子一帶又有

川匪一股竄入安康之八道河逼近紫陽額勒
亨額於江岸分兵設卡日夜防守與柯藩併力
截擊勢難移兵前來協剿臣先後訊據拏獲賊

匪及逃出難民所供各股賊匪因額勒登保德
楞泰前此在川陝邊界剿捕緊急俱竄赴老林
待大兵去遠潛行砍樹開路先後入陝掠食前
股竄入畧陽之賊共有三股一股係白號高家

營賊目馬朝禮帶三四千人一股青號戴家營
賊目趙姓胡姓有二千餘人一股紅號張家營
賊目王姓有二千餘人三股共七八千人尙有
宋家營武家營合夥後股自沔縣西竄之賊首
逆係王廷詔一名江大樹又有辛姓賊與之合
夥分爲黃號藍號共五六千人其新入西鄉兩
股賊匪不知賊目姓名共有二千餘人統計賊

匪有二萬餘人而漢陰石泉紫陽江岸之賊及
紫陽南境之賊尙不在內是川省賊匪大半俱
在陝省南境而額勒登保追剿之徐添德冉添
元收匪已至巴州德楞泰追剿之苟文明鮮大
川股匪已至閬縣那彥成追剿之張逆餘匪那
彥成台布由太山廟赴鎮安恒瑞由江口赴孝
義兩路兜截綸布春多爾濟扎普等分投搜捕

各小股皆在五郎以東重兵距此皆遠現在王文雄索費英阿兩路之兵分布堵剿實屬顧此失彼

臣

前分咨額勒登保德楞泰那彥成等尙

未得有回信惟有督率文武員弁隨時竭力堵禦俟額勒登保等派撥鎮將帶兵援剿賊氛庶足撲滅其竄入平利之徐方德等一股賊匪經道員溫承惠率領鄉勇在老鴉坪殺賊三十七

名礮斃執旗賊目一名總兵慶溥帶兵在甘肅
會同湖北官兵殺賊三百餘名生擒郭順成等
十一名餘匪已翻山由黃墩奔四川大寧之西
溪河逸去再現在漢中東西兩路皆有賊匪

臣

未便遽行遠離查畧陽徽縣兩當一帶雖有吉
蘭泰瑞亨隆興分投防守惟界連棧道各處路
徑紛歧照料必須周密聞藩司楊揆調任四川

業已起程

臣

飛札令其就近馳赴秦州會同鎮

道等督率地方文武鼓勵鄉勇並酌調附近營
分官兵相度布置益歸嚴密又查慶成奉

旨發往伊犁効力計算程途尙在甘省境內此時軍
務正當喫緊若令徑赴新疆反覺安逸合無仰
懇

皇上天恩飭令慶成起赴吉蘭泰等軍營協同帶兵

設法堵剿事竣仍赴伊犁効力之處恭候

聖裁

松筠又奏言遵查

臣

前奏陝省南界堵剿時鄒

勇趙慶蘭擲石打著龍紹周落河未知生死一

節前據柯藩稟稱趙慶蘭素不認識龍紹周因

打仗時正遇逃出難民喧傳前面穿紅衣之賊

是龍紹周趙慶蘭趕往擒拏見其滾邊用石打

著跌落河內未知生死隨後將淹斃及殺死賊屍細加查認並無龍紹周屍軀惟有一女屍身穿紅馬褂織絨袍有逃出難民幼孩識係龍紹周之妻或趙慶蘭所打卽係此人或龍紹周被打未死爲夥黨救出均未可定

臣

當卽飭令柯

藩將趙慶蘭酌賞銀兩至叅將玉福把總景普外委馬良義首功貴皆自元年以來隨同柯藩

出征屢次奮勇打仗身先士卒此次賊至高灘
搭橋渡河胡貴迎頭探報柯潘帶兵趕到賊匪
正在過河因用礮將橋打斷橋上賊匪全行落
河淹斃王福景普馬良首先衝入將後隊賊匪
截斷後股向望虎山飛奔又遇額勒亨額之兵
併力截擊胡貴率領鄉勇從山溝繞至望虎山
頂自上壓下手刃賊四名兩面夾攻將未過河

之賊盡數殲除實屬奮勇出力經柯藩保舉前
來合無仰懇

天恩將玉福景普馬良遇有應陞之缺先行奏補胡
貴以千把總實缺補用又有義首柯以德於元
年帶領竹谿鄉勇攻克五作雲賊寨隨同入川
剿賊屢著功績賞給軍功五品頂戴自去歲跟
隨柯藩防堵隘口屢次擊退賊匪約束鄉勇六

百名從不滋事經柯藩續行保舉前來相應請
旨將柯以德以才把總實缺補用又欽奉

諭旨查知縣高藍珍之子名高允卿年二十四歲係
文章生並無官職奏入

上命軍機大臣傳諭松筠曰川省賊匪因額勒登保
等剿捕緊急先後竄入陝境掠食共有二萬餘人
而漢陰石泉紫陽等處尙有賊匪分路滋擾情形

甚爲著重其由埠川逼近沔縣一股賊匪經副將
韓加業等奮力剿殺不敢過江折回埠川復經索
費英阿王文雄等兩路官兵分投堵禦該匪遂奔
入畧陽邊界欲尋前股之賊會合一處而前股之
賊業經畧陽鄉勇堵回所辦尙好其徽縣及白水
江等處有總兵吉蘭泰道員瑞亨等扼險堵截甘
境布置尙屬嚴密西鄉一股賊匪松筠令王文雄

暫駐黃沙一帶相機截剿並留索費英阿暫防圻
縣仍令王文雄等探聽賊蹤如賊匪復竄畧陽卽
當移兵沔縣及棧道武關一帶扼其入甘之路所
辦亦是現在額勒登保已帶兵赴陝追剿並令那
彥成亦馳赴畧陽一帶截擊松筠惟當察看情形
協力堵剿將各股竄匪以次殲除所有力戰陣亡
之副將韓加業著咨部加二等照提督例賜卹把

總高騰蛟亦被戕害著咨部加二等賜卹其殺賊
受傷之守備麻允光傅世雄把總馬興禮馬雲龍
武舉劉元勲成文錦義首文生員呂志高俱著咨
部賜卹現已降旨將松筠補授伊犁將軍其陝甘
總督令長麟補授松筠於長麟到後不可心存推
諉一切剿捕事宜仍當會同妥辦俟軍務大局辦
定應行來京時再候諭旨進京陛見至請令慶成

趕赴吉蘭泰軍營一同帶兵一節姑照所請行着
慶成如何奮勉出力圖功自贖耳

上諭內閣曰松筠保奏軍營出力人員著照所請恭
將玉福把總景普外委馬良遇有應陞之缺准其
先行奏補義民首胡貴柯以德俱准其以千把總
實缺補用知縣高藍珍之子高允卿前經帶領鄉
勇截回偷渡賊匪茲據覆奏高允卿係文章並無

官職著賞給文生員以示鼓勵

上又命軍機大臣傳諭那彥成曰那彥成係特派赴
陝督辦軍務之人所有陝境各路軍營剿辦賊匪
及防堵邊界要隘皆那彥成一人責任自應通盤
籌畫妥爲經理乃那彥成自到陝後惟知追剿張
漢湖一股竄敗餘匪深入老林與賊匪相持數月
之久總未能將賊匪痛加殲戮轉致川陝交界老

林藏匿之賊又復乘間至沔縣一帶肆行焚掠而
川省竄匪窺伺陝界兵備稍單亦大半竄至畧陽
幸而該處堵禦較嚴將全股賊匪截回未令竄入
甘境那彥成帶領生力勁兵已有萬餘所辦張逆
餘匪既未得手又未能妥爲布置以致竄匪紛紛
闖入陝境又須經畧額勒登保來陝督剿是此竄
至沔縣畧陽之賊皆由那彥成辦理不善所致且

此時那彥成究在何處剿辦何賊亦尙未據奏及著先傳旨申飭若再不速圖自贖嚴譴立至噬臍莫及矣仍著遵照前旨將張漢潮餘黨交台布岱森保帶兵追剿肅清陝境毋得再有延緩並將何時帶兵前往及現在剿辦賊匪情形迅速覆奏

同日署四川布政使先福奏言竊

臣

前奉督臣

飭調健馬五百匹爲

盛京吉林官兵赴陝乘騎之用業經飛移各營飭
調齊全以二百匹解赴保寧以三百匹解赴達
州茲又據督臣札飭接准經畧額勒登保咨奏
請於雲貴四川三省調馬一千五百匹以供吉
林索倫官兵乘騎剿賊令卽如數籌辦臣卽移
行松潘建昌及省標各營先於營馬內如數派
解五百匹一俟抵省卽行分起委弁解赴達州

聞
聽候調用再昨奉將軍阿迪斯札調五寨屯弁
兵一百六員名大小金川土弁兵一百一員名
先後抵省臣率同成都府及營員等傳齊各該
屯土弁兵面加犒賞並傳知經過臺站照例應
付現已陸續起程前赴軍營以供調遣奏入報

初九日

壬戌

上命軍機大臣傳諭額勒登保那彥成德楞泰松筠
魁倫台布日從來用兵之道不外天時地利人和
三者以天時而論則惟冬春兩令最爲得力之時
一交夏令則氣候蒸熱秋令雨水較多雖精兵勁
旅亦不能展其長技乃各路統兵大員並未籌及
輾轉遷延以致坐悞時日不知天時其弊一也以
地利而論則扼險堵禦最爲要着川陝等省雖深

林密箐之處較多然必有要隘處所可操一夫當
關之勢而帶兵大員等並不能相度地利擇要守
險惟事跟蹤尾追東奔西逐轉將險要之地被賊
佔據任賊來往以致攻守兩難徒疲兵力不知地
利其弊二也以人和而論尤在將士同心無分畛
域乃能收衆志成城之效前此明亮永保等遇公
事則彼此觀望於私忿則互相傾軋似此猜疑交

構人各一心將士豈能用命卽現在之統兵大員如額勒登保那彥成松筠等亦皆各顧各路彼此不相知會以致此處餘匪未能剿盡而他處之賊又復乘間蔓延彼此各存私見甚至兩不相下互相推諉不能和衷其弊三也舍此三事惟有剿撫堵三策今所謂剿者惟知冒險深入在後尾追所謂堵者亦並不能扼要嚴防仍任賊匪乘虛奔突

而所謂撫者屢經降旨明切諭示立有章程而投
出者仍屬寥寥是其辦理總屬有名無實試思此
等賊匪不過么磨蟻聚之徒一時被其煽惑相從
爲亂亦何嘗有恩信相結豈有數萬之衆皆其死
黨牢不可破之理總由伊等曉諭之法未得其要
又因係教匪卽不加區別概行誅戮則匪黨自揣
投出未必卽能得生豈有自趨死路何怪聚而不

散耶須知官兵剿賊原爲懲辦叛逆並非搜捕邪
教如該匪等祇係愚民無知惑於修善求福之說
私相誦述經卷並不敢妄有謀爲原可置之不論
若有心叛逆自作不靖卽本非教匪亦王法所必
誅其賊匪中如果有能去逆效順歸命投誠者卽
實係從教之人亦皆當許其自新一體收恤斷不
以其曾經入教又復罪其既往各路統兵大員自

應將朕節降諭旨剴切宣示俾賊匪夥黨咸思悔
罪投出自必紛紛解散現在額勒登保德楞泰兩
路因向川東巴州開縣一帶追剿後路空虛致賊
匪竄入陝境松筠王文雄等又不能嚴密堵禦而
那彥成剿捕張逆餘匪惟知深入老林祇顧東路
以致賊匪擾及畧陽沔寧西鄉地界是目前兩省
大員內川省惟魁倫廣興陝省惟慶溥溫承惠尙

無踈縱之咎餘皆不得辭其責本應各治以應得
之罪卽將伊等悉行更換國家亦不患無人今不
卽辦理已屬朕格外從寬伊等務須知愧知懼同
心協力無論經畧欵差與將軍督撫等皆係同辦
國事惟當屏除私見悉心籌辦以期於春令內剋
日蒞功圖自贖倘仍前觀望遷延顧此失彼勒
保明亮永保卽前車之鑒毋謂教誡之不早也

臣等謹案孟子言天時地利人和三者最爲深切著明此聖賢戰則必克之理異於兵家陰謀術數之說也我

皇上韜鈴在握

訓誠迺頒

燭萬里於毫芒申三策之竊要固足使將帥之臣敬畏悅服而奮興恐後矣至

諭以官兵勦賊原爲懲辦叛逆並非搜捕邪教一節
剴切宣示仰見

聖心憫念蠢頑

至仁溥博湯網宏開

綸音疊沛凡含生負氣之倫日遷善遠罪而不自知
則尤經正民興所由操

聖功

王道之大原也

欽定剿平三省邪匪方略正編卷一百四十二

庚申年

正月初十日

癸亥

額勒登保奏言竊

臣

於王家壩

起身後舊病旋即大愈二十九日行抵達州沿

途探得德楞泰追剿徐添德鮮大川苟文明等

股賊匪由開縣已入大寧地界尚未接有德楞

泰來信又據七十五呈報該提督同李紹祖於

雙山子紫水壩將張子聰雷思旺等匪追趕三

十餘里斃賊一百三十餘名生擒二十二名賊
匪敗竄鹿子坪山梁我兵乘勝追剿詎賊匪又
分作數股抵拒當委前鋒叅領烏爾恭阿守備
虎正林奮力迎剿該匪等尙敢直撲七十五督
兵力戰斃賊四十餘名賊始奔潰七十五猝被
賊矛戳透衣服右腿受有微傷遊擊王榮亦以
奮勇殺賊被有矛傷甚重又朱射斗稟稱十四

日在平溪壩探有張世龍竄散賊匪在草廟子
爛泥子一帶該鎮於十五日帶兵由梓潼廟上
山直趨草廟子一帶賊匪望見官兵紛紛亂竄
經馬步隊分路截擊殺賊一百餘人生擒九名
奪獲賊旗器械甚多現又向固軍壩樊噲店一
帶進剿查德楞泰與七十五所追之賊均近大

寧一帶

臣

已札致合力併剿其朱射斗一路官

兵前經

奏明歸於魁倫統領今再添元等股賊匪現向大

竹縣境內奔竄

臣

將應留之滿漢官兵交與魁

倫卽由達州前赴大竹攔截一面檄飭朱射斗

卽由新寧一帶趕赴魁倫一路聽候調度本日

又接松筠來信有一股賊匪由沔縣埤川入寧

羌寬川繞至畧陽欲入甘肅一股尙在埤川通

近沔縣踞淺渡江並有在黃沙兩岸焚掠者賊
勢鴟張江水淺涸陝省情形現臣緊急必須臣

率兵親往方可不致蔓延臣迅臣起程仍由保

寧一帶星馳入陝倘賊匪已由鬼陽竄至甘境

卽當緊跟追剿若賊匪尙在寧沔一帶必將該

匪等盡行殲殺相機妥辦再委前鋒叅領烏爾

恭阿守備虎正林隨同七十五節次打仗甚爲

出力可否量加鼓勵之處出自

天恩

同日額勒登保魁倫廣興奏言

臣

額勒登保行

抵達州與

臣

魁倫廣興會晤面商一切查得冉

添元等賊匪現由大竹一路奔竄魁倫應由達

州取道抄入大竹墊江一帶截擊總兵朱射斗

一路官兵已札令由新寧一帶緊躡前來與魁

倫會合剿辦如賊匪仍復竄往川東一帶魁倫
卽督兵前往跟剿如遇德楞泰時正可兩路夾
攻臣額勒登保現將阿哈保等所領索倫馬隊

滿漢官兵酌派隨同魁倫進剿外又總兵百祥
帶領雲南陝西等省兵丁原在羅紋壩駐守刻
下賊匪相距稍遠卽令百祥帶領併入魁倫一
路共計兵勇有八千餘名臣額勒登保卽帶同

副都統銜格布舍總兵楊遇春穆克登布率領
滿漢馬步兵勇五千餘名前往陝省剿辦至達
州爲糧運總滙又係川東川北適中之地關係
緊要擬將總兵許文謨留駐達州率同原有官
兵嚴密防守其糧餉事宜已經定有章程臣廣
興惟當實心實力認真督辦斷不致有冒濫貽
誤之處

額勒登保又奏言查副將爲綠營大員帶兵打仗自須勇往詎有廣西平樂協副將七格前於貓兒埡等處打仗後聲言受傷當經翼長楊遇春等差弁賴東升爲之醫治旋據回稱該協腰膝二處微有紅腫未見別有傷痕臣猶恐未確復派守備劉琥前往查驗所報亦屬相同已屬不合乃該協並不稟明輒私自前往保寧且查

該協帶領廣東更換官兵來川原數九百五十
名除先留夔州駐防九十七名外尙應有八百
餘名今查該協所存之兵共二百八十八名卽
有陣亡病故亦斷不至如此之多更爲駭異當
卽飛札飭令該協來營親加驗訊該協旣非實
有傷痕問以兵數則諉之都守等官此等劣員

斷難寬宥

臣

當將該協摘去翎頂應請

旨先行革職臣現令將所帶兵數率同該營都司宋

國興逐一查明稟報倘有別項情弊另行奏請
治罪以昭炯戒又奉

諭旨勅查提督七十五帶兵剿賊有無遲悞各情形

臣前此慮及賊匪竄入楚境曾令七十五帶兵

前往剿辦緊顧東面嗣因該提督已近楚界臣

在川北輾轉追剿相距日遠文報未得如期接

到尙非該提督有意玩延再查該提督於徐家壩入楚時辛聰等賊匪已折竄平利業經慶溥溫承惠等帶領兵勇截剿七十五又遇張子聰等股欲竄楚境因卽帶兵兜截所以不能顧及辛聰並無不遵調度及隨處逗遛之事至廣興所稱七十五駐守夔城之語廣興知七十五本在夔府一帶因籌及彼路糧餉摺內聲敘未經

詳晰該提督實未駐守夔城且臣於各路領兵
提鎮等恐其稟報不實曾經札會地方州縣官
一體稟報互相核對間有不符之處均卽駁查
務期核實所有七十五在貓兒寨花果園馬鞍
山郎家洞等處打仗均經該府縣稟報無可捏
飾如果查明不肯認真出力臣亦必據實指叅
斷不敢曲爲徇庇奏入

上命軍機大臣傳諭額勒登保德楞泰魁倫廣興曰
額勒登保統領兵勇五千餘名前往陝省寧沔一
帶剿辦大股竄匪現又降旨令那彥成等將張漢
潮餘匪交與台布岱森保搜捕那彥成卽率吉林
勁旅並原帶各兵速赴沔縣軍威極爲壯盛額勒
登保務當趁此機會將沔縣畧陽各股竄匪併力
剿辦若能將大股賊匪卽在陝境辦竣固屬甚善

卽未能全數殲盡總須繞在賊前逼令回川斷不
可闖入甘境及陝西棧道致復向東北奔竄此爲
最要如額勒登保等將陝境賊匪剿盡仍卽帶兵
回川督剿若德楞泰等先將川境賊匪辦竣則德
楞泰應帶兵速赴陝境協剿魁倫係本省總督惟
當在川省辦理善後一切事宜不必赴陝現在魁
倫帶領兵勇共有八千餘名當率同朱射斗等速

赴大竹專剿冉添元等股賊匪德楞泰與七十五
所追之賊均近大寧伊二人互爲聲援協力夾擊
務將張子聰等股匪上緊剿辦勿令復竄楚省邊
界此一路軍營情形著魁倫德楞泰隨時具奏再
廣興現在董辦軍需一切供支是其專責亦當無
分畛域其距川較遠者自難兼顧至川陝交界地
方倘有須接濟之處必當設法趕辦無誤軍行

上諭內閣曰額勒登保奏前鋒叅領烏爾恭阿守備
虎正林隨同七十五打仗出力烏爾恭阿著以副
前鋒叅領陞用遇缺卽補虎正林著賞戴藍翎以
示鼓勵

上又諭內閣曰七格以副將大員不能身先士卒帶
兵打仗轉捏傷妄報且所帶廣東更換官兵實有
八百餘名今存兵祇有一百六十八名何至短少

如此之多其中顯有情弊七格著革職拿問交與
廣興嚴行審訊定擬具奏

同日那彥成恒瑞台布奏言竊賊匪竄出老林
後各股俱竄向東北內有一股又折回南竄漢
陰大嶺經吉慶寨鄉勇截殺二十餘名遂由鎮
安紫溪河竄入楊家河復經鳳凰嘴寨鐵廠舖
寨鄉勇據險截擊賊遂奪路奔走又經黃龍

藤花寨勇截住斃賊三十餘名生擒二名餘
賊仍向東北竄遁臣等督令綸布春桑吉斯塔
爾等繞至山陽東溝地方截擊賊卽敗退翻山
竄逸隨令步兵緊追綸布春等馳至馬傑山迎
截前後進攻共殺賊三百四十餘名拿獲襄陽
起事賊匪三十一名賊匪竄至李家溝腦富盛
阿長春等催令兵丁乘夜進攻短兵相接殺賊

三十四名擒賊五名副將冬爾濟扎普叅將游
棟雲等又由滴水巖追至梨樹坳殺賊一百十
餘名賊欲退回有騎馬賊目催逼衆賊迎拒經
湖北兵丁王均相蔡純如放鎗擊斃又經兵丁
趙林砍倒持矛救應之賊始行潰竄官兵追擒
活賊八名將割取賊目首級令其辨識認係賊
目王掌櫃又據碾子河鄉勇稟報殺賊四十餘

名賈家坪鄉勇稟報殺賊二十餘名擒賊二名

現在各股賊匪經官兵屢次截剿未能東出商

雒向西奔竄臣恒瑞已趕緊前往江口洵陽壩

一帶追擊臣那彥成等卽帶兵由木旺坪馳赴

手攀崖分路兜截訊據獲賊毛老三供稱此股

係冉學勝爲首屢被官兵剿殺剩有一千餘人

現在並無一定去向總往無兵處奔竄餘無要

供當將正法

臣

等進兵以來打仗多次所殺賊

匪俱係驗明首級耳記毫無粉飾合計節次賊
擒已有一千餘名何以每股賊匪爲數尙多

臣

等往來山中細加訪察始知流寓之川楚安徽
民人半習邪教伏而未動者甚多賊過之處卽
有同教匪徒投入夥內時來時往實難查核然
賊匪既畏官兵勢盛乘此趕緊剿辦自可日漸

潰散如有投出之人應卽欽遵

恩旨貸其一死妥爲安插其習教之人此時亦不便
概行查辦轉致激成事端徒增賊黨

那彥成又奏言

臣

欽奉

諭旨令將吉林兵丁撥赴川省剿賊伏查教匪往來
奔竄原無伎倆惟因山險林深路徑叢雜恃其
捷足延喘偷生臣自到軍營以來屢次截殺尙

不能全數殲盡懷慙負疚夙夜難安至陝省剿
賊官兵除南岸防堵外漢江以北軍營及要隘
防堵合計舊存兵丁及新添

盛京吉林之兵實有一萬四千餘名應領口食之
鄉勇多係防守漢江兩岸及西鄉平利等處其
隨在軍營剿賊鄉勇爲數亦屬無多且現在

臣

與各路分投追剿臣大營馬步兵止一千三百

餘名所有吉林官兵現係臣與恒瑞綸布春等

帶領剿賊節次在板房子陡成巖等處打仗最
爲出力且伊等習於勤苦最耐寒冷平日善於
打牲亦能登山陟險故在老林冰雪中行走並
未稍形疲乏卽賊匪狡詐設伏亦能留心偵探
先事預防現在逼剿賊匪出林東路山勢稍開
弓馬更能施展此項勁兵實爲得用仍懇

聖恩准留吉林兵丁在陝剿賊實於軍務有裨再接
據寧羗州知州馮裕定稟報有賊匪三股每股
八九百名由胡家壩竄至寬川旋即西竄南沙
河又據畧陽縣知縣崔五峯稟報賊匪由南沙
河竄至陽平關查寬川南沙河一帶已繞過漢
江上源陽平關在嘉陵江東岸由該處東竄即
通寧沔棧道東北可入畧陽逼近甘境過嘉陵

江而西亦可通甘肅及川西一帶所關甚重

臣

等前已照松筠來札飭令防守棧道之總兵索

賈英阿吉蘭泰馳赴畧陽并知會松筠應令在

畧陽一帶防堵計此時已抵該處正當川匪竄

來之路

臣

等頃又飛飭該鎮等嚴行截剿毋任

賊匪闖入又接准松筠來札因西鄉竄匪滋擾

王文雄現在患病惟恐照料難周商調總兵長

春前往帶領臣等已飭令該鎮迅速前往

同日台布奏言查鄉勇一項原因山內道里綿長路逕叢雜不能處處安兵飭令各行團練自爲防守使無藉游民按名入冊易於稽查實亦約束羈縻之一法惟是南山延亘二千餘里幅幘旣廣團勇遂多雖無賊處所及尋常無事之時並不發給口食其守卡探信隨營打仗者均

須接戰守口念逐日支給臣雖未經手錢糧但

身任巡撫卽有守土之責地方事宜自應隨時
核辦伏思此項鄉勇不便深恃而又不能不用
前於五郎設鎮案內聲明軍務告竣後現團各
勇散遣歸農難保不別滋事端請編入新設標
營以資管束欽奉

恩諭所見甚是是五郎一處已在必行此日之勇卽

係他日之兵祇以酌添文武員弁及廉俸糧餉
衙署兵房等項事關久遠未便草率定議督臣
遠駐漢中臣又帶兵在山未能會晤熟商卽時

具奏而五郎爲適中之地新鎮於此駐劄已無

疑義將來那彥成統兵入川臣卽應前往漢江

防守大兵旣撤山路太覺空虛留築驚不馴之

鄉勇與驚魂甫定之民人雜處於崇山峻嶺無

兵無官之地實亦不能放心臣愚以爲莫若先

按總兵營制分左右城守三營每營各定額兵

五百名先以現有鄉勇編充入伍揀派熟悉營

務之都守等官勤加操演聲威自比鄉勇較盛

不特大兵撤後足可倚恃臣等現在東西迨

剿亦可稍紓兼顧核計鄉勇口食與兵丁月餉

數亦相當至於各要隘地方不過額設都守千

把一俟擇定形勢亦照此先行編伍多辦一處
卽受一處之益似於現在軍務機宜均爲有裨
其餘應加詳議之件仍候與松筠商定條款另
行會銜具奏再查五郎設鎮一事臣於前次欽

奉

諭旨據實陳奏其時尚未議及西鄉今大學士等既
請於西鄉設立總兵若兩鎮並設兵額未免過

多自應擇尤要之區定以設鎮查西鄉一帶松筠來往數次所見較確五郎則

臣

親行周歷聞

見自爲真切伏查南山綿亘二千餘里其中層巒疊嶂峭壁懸崖路徑紛歧難以意計間有湖廣安徽游民潛入私墾久遂呼朋引類日聚日多現在充當鄉勇長夫者悉係此輩自軍興以來烏鎗矛桿人各懷兵若不妥爲安插難保日

久不滋事端計惟編充營兵庶足以安插鄉勇
而添設重鎮則扼要爲先查南山地面橫峙四
府一直隸州惟鎮安縣向來設有遊擊等官歸
興漢鎮管轄自鎮安迤西周圍千餘里並無一
汛太覺空虛五郎爲山內適中之地於此添設
總兵再於黑水子午等峪酌設都守千把則聲
勢聯絡稽查彈壓均足倚恃此安兵安鎮之必

宜在五那地方也均奏入

上命軍機大臣傳諭那彥成台布曰此次張漢潮餘匪竄出老林後分投奔逸經那彥成等督率將弁緊追迎截共殺賊三百四十餘名拿獲襄陽起事賊匪三十餘名較之節次在老林追賊不過零星殲滅尙爲彼善於此前此賊匪竄入老林山徑險仄那彥成等率領勁兵在後追躡無所施其伎倆

今賊匪既出老林官兵屢次截擊未能東出商雒
向西奔竄正可趁此施展兵力一鼓殲除但昨據
松筠奏川匪竄入陝境者共有二萬餘人此等竄
匪在川陝交界老林屯聚已久因探知陝省重兵
全在南山老林搜捕是以乘間竄入那彥成前此
調度不善實難辭咎計此旨到時如張茂潮餘匪
奔竄之處距川省竄陝之賊尙遠那彥成竟當遵

照前旨將張漢潮敗竄餘匪交與台布佑森保搜捕那彥成當酌量事機輕重以速赴沔縣辦理大股之賊爲是若張漢潮餘匪俱直向西奔竟與新竄沔縣之賊合夥此股竄匪本有二萬餘人卽加以張漢潮餘匪千餘亦不見其多而那彥成等一路官兵全行到彼合之額勒登保原帶官兵四千餘名并漢中現有兵勇聲威更爲壯盛那彥成務

當與額勒登保同心協力上緊堵剿趁此機會以
期迅速集事至請留吉林兵丁在陝剿賊一節現
在額勒登保已至陝省沔縣今那彥成前往會剿
此項吉林兵丁或歸額勒登保統領或額勒登保
與那彥成分帶伊二人酌量妥辦又據稱接到松
筠來札飭令總兵長春前往西鄉防堵一節西鄉
一帶竄匪滋擾王文雄又值患病而沔縣畧陽竄

匪復又緊急那彥成早當親赴該處督剿何以僅
飭長春前往耶再摺內所稱習教之人此時亦不
便概辦二語與朕昨降諭旨相合或剿或撫伊等
務當相度機宜熟籌妥辦又台布奏五郎添設總
兵等摺已交長麟閱看俟伊到任後察看情形與
台布會議覆奏到日再降諭旨

同日

內閣曰托津著馳驛前往四川接辦軍需事務
仍照廣興之例卽於平餘項下每月賞給銀二百
兩以資辦公准其作正開銷

十四日

丁卯

那彥成台布奏言

臣

等以賊匪出林

後往來折竄必須分路兜截不予以暇庶免勾

結滋事隨督綸布春桑吉斯塔爾分路由張溝

鄂剿總兵觀祥協領富盛阿等由七佛溝截剿

臣等行過張溝三十里至廟臺子賊匪乘雪大路滑竟敢蜂擁前來我兵奮力迎截至兩時之久賊匪抵禦不住追殺三十餘里斃賊一百二十六名擒賊二十一名觀祥富盛阿自七佛溝行至夥底探賊在蓮花石地方四鼓冒雪進兵截擊殺賊三十餘名擒賊二十七名散出被擄男婦四十一名口其時在前之賊已經官兵剿

殺後隊賊匪遂乘黑夜翻山逃逸北竄未遠復折回小油房溝潛伏路遇山西兵後隊鍋帳撲出搶掠經協領全德帶領吉林官兵截住要路鎗箭齊發擊斃賊匪三十餘名賊卽撤上山梁相持良久復拚命撲下全德直前衝出一鎗斃賊二名奪獲賊馬一匹官兵復殺賊匪三十餘名臣等隨令侍衛富爾等帶兵接應賊始敗退

臣等竊思各股竄匪捨命狂奔初無定向惟思糾約同教匪徒益其黨與賊營中多有潛行逃出分投勾結者臣等前訊賊供知賊首高遇春因官兵追剿緊急有業經潛逃他處勾結之信密派員弁改裝晒線探得高遇春逃匿在西河冷耀進冷耀禮家內復扮作難民同冷耀進等家眷遷往紅山洞行至高溝因卡寨盤詰嚴緊

高遇春遂隻身東竄

臣

等既偵探明確一面密

飭地方官及卡寨鄉勇嚴拿務獲一面飛咨河

南撫臣一體偵緝茲據署藍田縣知縣張瑗留

心查察據縣屬張家坪民人苗知高報信該縣

卽赴張家坪在飯舖內將高遇春拿獲供認不

諱並據孝義鄉勇將藏匿高遇春之冷耀進冷

耀禮及高遇春差往九間房上靖川勾結之毛

添成范勝川一併拿獲該處距省較近已令將
高遇春等押解省城由藩司馬慧裕等訊供具
奏除將獲犯之鄉勇差役人民等優加獎賞外
知縣張瑗留心查緝拿獲賊首可否量加鼓勵
之處出自

聖恩再查高遇春與冉學勝原分兩股高遇春潛出
勾結將現有賊夥交伊徒弟劉大掌櫃等管領

此兩股賊匪時分時合串通一氣惟陳老三白
號一股與冉學勝等互爭有隙不常合夥自當
乘此機會遵

旨設法用間離散賊黨臣等現已公同籌畫今臣那

彥成帶兵赴甘臣台布自當相機辦理使賊爲

我用以期逆黨內離收以賊攻賊之效

那彥成台布又奏言臣等欽奉

聖諭以川匪竄近甘境令臣那彥成同恒瑞札克塔

爾率領吉林兵丁並添帶兵力速往剿辦毋令

深入甘境臣那彥成卽由東路馳回酌量分派

除吉林兵丁外並帶貴州固原等兵三千餘名

同札克塔爾綸布春等取道五郎洋縣前進現

在臣那彥成行抵油房溝距甘境尙一千餘里

惟有趕緊行走沿途探蹤追剿查川省竄匪爲

數甚衆甘省地方又係從前曾經賊竄之處路

徑亦熟

臣

那彥成到彼卽當奮力截殺不令深

入甘境倘或折入陝省仍卽合兵剿辦若能逼

剿回川

臣

那彥成卽與額勒登保等協力會剿

以期迅速蒞事至總兵索費英阿吉蘭泰從前

原駐唐藏楊家店等處係在兩當之東與鳳縣

接壤該處南距畧陽尙有三百餘里西距棧道

僅數十里倏專堵陝賊入甘之路上年張漢潮
屢次由陝竄入甘境來往自如該鎮等未能堵
住因與松筠商酌令該鎮就近移駐草涼驛廢
邱關扼要防守是以陝省之賊聞知棧道有兵
總未竄向甘境昨因川匪竄近先期知會松筠
令該鎮等趕赴沔縣畧陽迎截俟臣那彥成到
漢中時再當督率該鎮等認真協剿毋任川匪

蔓延滋擾再查陝省山內賊匪雖係張漢潮餘黨而緊要賊目皆在其中現在分爲三股恃險奔竄狡猾異常逼剿緊急則賊勢畧散經過數處則勾聚漸多數月以來打仗數十次遇賊卽擊不予以食息之暇賊匪心生畏懼勢漸離散設法用間招降正在此時可辦剿賊情形似已稍有頭緒兵力一分難保其不復行糾聚目下

上命軍機大臣傳諭那彥成曰現在賊匪既出老林
往來逃竄那彥成督率兵勇分路截剿並密派員
弁改裝偵探將賊首高遇春及藏匿高遇春之冷
耀進冷耀禮等一併拿獲所辦差強人意此時川
省賊匪既由寧羌奔竄畧陽已入徽縣那彥成分
派吉林官兵並帶貴州固原等兵同札克塔爾綸
布春等取道五郎洋縣探明賊蹤取捷追剿此行

甚是現在額勒登保已離川省那彥成由陝入甘彼此同在一處剿賊無分畛域那彥成務當與額勒登保同心協力繞出賊前迎頭堵截不可徒事尾追此時川省竄匪爲數不下二萬甘省地方係曾經賊匪滋擾之處賊匪未必能多有搶掠斷不可任其深入致未經被賊地方又遭蹂躪也又據楊揆奏畧陽竄匪現已搶渡白水江闖入嶽縣一

帶前據松筠奏稱畧陽嶽縣兩當地方係吉蘭泰
帶兵防守因賊竄入畧陽邊界吉蘭泰已抵白水
江堵禦本日據那彥成奏吉蘭泰原駐唐藏楊家
店等處南距畧陽尙有三百餘里西距棧道僅數
十里專堵陝賊入甘之境是賊匪奔竄係吉蘭泰
一路闌入朕因吉蘭泰自上年以來於堵禦事宜
頗知出力是以加恩擢用提督今竄匪由畧陽搶

渡白水江闌入徽縣是否該員防堵不力自應核
實辦理著那彥成查明此股竄匪如距吉蘭泰防
堵地方較遠不能兼顧尚無不合若賊匪由畧陽
一帶搶渡闌入甘境吉蘭泰因所帶兵勇不敷剿
堵與賊接仗不能截回竄匪卽使從寬免其治罪
亦豈得復邀陞擢那彥成務將以上指出情節股
密訪查據實奏聞

上又命軍機大臣傳諭台布曰那彥成等奏接到松
筠知會沔縣畧陽賊匪緊要已取道五郎洋縣趕
赴該處剿辦除岱森保外酌留侍衛巴彥泰等帶
兵五千名交台布帶領剿辦冉學勝各股賊匪本
日復據楊揆奏賊匪已從畧陽搶渡白水江闌入
徽縣業經降旨令那彥成兼程速往剿辦現在張
漢湖餘匪高遇春雖經拿獲而冉學勝及高遇春

徒弟劉大掌櫃尙在分投逃竄台布一路現有官
兵五千餘名不爲不多惟當督率將弁上緊剿辦
務盡根株或設法招降妥爲安插不可擒獲一二
首犯仍置餘匪於不辦前此殲除張漢潮後如高
遇春冉學勝等卽係張漢潮餘孽未除以至竄入
老林重煩兵力此次台布如將冉學勝劉大掌櫃
等擒獲斷不可又令餘匪竄逸別滋勾結至白號

賊匪陳老三與冉學勝等既有嫌隙台布自當設
法離間收以賊攻賊之效再全德於賊匪撲下山
梁直前衝出一鎗斃賊二名尙爲奮勇伊係吉林
協領如再有出力之處著台布奏明酌加陞擢候
補知縣張瓊能留心查察將高遇春盤獲甚屬能
事遇有該省知縣缺出卽行奏補其報信之民人
苗知高並著優加賞賚

上又命軍機大臣傳諭楊揆廣厚曰前此川省竄入
陝境之賊今復搶渡白水江闌入甘省徽縣一帶
楊揆接到松筠知會卽行轉回平涼馳赴秦州並
於固原提標官兵內咨調一千五百名分起帶往
以資防堵所辦甚是楊揆唯當鼓勵兵勇嚴密堵
禦勿使賊匪向西奔竄致完善地方復遭蹂躪再
從前賊匪竄入甘境係廣厚在彼截剿未令賊匪

深入頗爲出力廣厚現係甘省藩司該省情形素爲熟悉今秦徽一帶復有餘匪竄入自應趕緊前往堵剿著廣厚卽馳赴秦州實力堵禦此時西寧番衆搶竊之案已經陸續弋獲所有未獲各犯著交與台斐音蔡廷衡接手趕辦廣厚旣抵秦州若能將竄入餘匪殲除淨盡固屬甚善否則勉力擊賊逼回四川亦卽屬廣厚之功現在川省藩司亦

有經手要務楊揆酌量情形或俟廣厚到日卽迅
速前往四川接印任事

上又命軍機大臣傳諭魁倫長麟倭什布台布曰那
彥成等奏陝省餘匪交台布帶兵搜捕已諭令該
撫實力剿辦因思川陝被賊裹脅之人皆係內地
民人如果能翻然悔悟脫身賊中原與良民無異
但俱已早失生業家室出土蕩然一空名曰回籍

仍受流離顛沛之苦惟望地方官憐憫收恤庶可
自存此乃投生而不得謂之投降倘投出之後仍
不能各遂其生特不如從賊者得藉盜糧爲餬口
之資又安能使之紛紛解散耶此事惟在該督撫
等悉心籌畫設法妥辦必使受撫來投者除招募
入伍外有田可耕有業可執於此番安輯之後永
無失所方爲妥協若止量加資助給以口糧不過

爲將就目前之計轉瞬仍形缺乏此等既經從賊
之人無以謀生難保其不復萌故智且官爲資給
需用浩繁亦恐日久難繼總須將投出之人隨時
收撫各安生計使賊匪聞知投出者不惟免死而
且樂生自必相率不歸易於招致於剿捕機宜大
有裨益現在剿賊之事責成額勒登保等而招撫
事宜則係地方大臣專責其如何綏輯安插之法

著各該督撫酌量情形妥為辦理據實覆奏